

KUVEAHOKTUQA ANIKNAELGUMENAMA

<http://pauktuutit.ca/im-happy-because-im-safe/>



Kagitaoyalikiyotin ihoakotaoteaktok ilaleotivlonilo inuhiptikni. Una kungeakhak takupkaktineagaan kanok nutakatin okakatigegeagani kagitaoyami, okaohikhatilo nutagagiyaknun kagitaoyami anigitaagani. Aleoyun makpiknigani aalan kungeakhan aniktaeliotikaktun okateakhimavlogin okaotaoyun.

Pikaktok amigaetonik nutakan kagitaoyalikiyotaen. Taemaetok agilgamikni sikukvikmilo, ilanagiyami igloani, hivayaotikulo alguyaktogitukun. Ilaohimagunakhiyulo ulapkeoyaligaagamik kungeagutini ila TV-kun. Pikoyaoyok ukoa nutakan hitamanik ukeokagituk huli kagitaoyalikigitaagani.

Kanok Atogeagani Ukoa Kungeagakhan Kagitaoyami

Aheanin uma 'Agayokaan Monaktilo' kagitaoyami kungeakhak, pigahuyun aalan makpiknigin talvani kungeakhani kagitaoyalikiyotinin anigitaagani.

Pikaktok makpikniganik atoktakhaenik nutakan ukeokaktun 4-min 9-nun anigitaagani kagiyaoyalikiyotini, nanihyaaganilo aniknaetonik kungeakhanik agayukaalo inikniklunen kapeagigitan pikatigilogin. Itkaotikhan okaotaoyun nakitagitaagani hunaniklikaa kaoyimagitaenik, okakatigilogin inoen kaoyimagitatik, unikloklogilo nakugitun kagitaoyami kungeakhan atayukaan inikniklunen kapeagigitaktik ilaotilogin.

Tuklea makpikniga atoktakhaan 13-nik ukeokagitun huli nutakan. Tamna titigak pikaktok hivonikhiyutikhanik nanminik ilalo "ilipkamateaktukhanik hivonikhiyutinin", ilanakhaknik pilotin iliknik takotilotik kagitaoyameogitok. Itkaomayotikhan okageagani atigoan, okaohigilogilo nanminik hivonikhiyutikhan iliknik ila anigitaakni.

Pigahoan makpikniga ukeokaliktonik 13-nin 18-mun atoktakhaen. Makpikniga okaohikaklaoktok Facebook-mik ihoakhaeyaaganilo angeagiyaoyonik hatkiktaeliotikhanik. Ihoakhakhimahok inuk inminik ihomagiyakateageagani nanminik hivonikhiyotikhan kagitaoyami takukhaogitaagani, ihomaloknaegeaganilo ilaokatigiyatik ilanatik.

Tamaeta hivonikhiyutikhan atoktakhaen ukuniga ukeokaktunin atoknikaktulo agayukaanin monaktinilo kaoyimayaagani.

Okakatigilogin Nutakatin Kagitaoyalikiyotini Anigitaagani

Ihomagigilogo ukeokakniga ayoenigalunen, okaoha iniknigukpaleanigalunen, okaohiginigin kagitaoyalikiyotini anigitaagani nutakatilo atoknikateaktok. Tamaeta inoen namaenalimiginmata Kagitaoyami, nutakan una kaoyimayageakaktaan. Nutakatilo tukiheayageakaktun nahogiyaanik agayukaan monaktilo kagiyaoyalikineakniguvun. Hama ilagin okaoheoyun ihomagiyakhatin, aalalo kagitaoyami ihoakotikhan ikayutaolaktun ilikni:

Humi Atolakniginik Kagitaoyalikiyotin

Kagitaoyalikiyotin kahaktun sikukvikni makpigaakaviknilo. Namagigukni sikuktitiyi aalalunen iniknik kagitaoyalikipata nutakatilo, ikayolaaknikatalunen, sikukven makpigaakakvelo nakuyun atokhugin. Nutakatin atulaagunakhiyulo kagitaoyalikiyotinin agilgamikni, havavikni, ilanagiyami igloanilunen.

KUVEAHOKTUQA ANIKNAELGUMENAMA

<http://pauktuutit.ca/im-happy-because-im-safe/>

Hunanik Atolaaknigin

Atoknikaktok nutakatin kaoyimayaagani kitun kagitaoyami kungeakhan takulaakniginik. Ilagin agayukaan monaktilo ihoagiyakaktun nutakatik tunihikpata titigakhimayonik kagitaoyami kungeakhanik takoyomayamiknik, agiktaogeaktinagin ila.

Agayukaan monaktilo pikoevalaalimaetonakhuyun ilaginin piyotini ayikoheokniginik (ileogaenikmik ila kagitaoyaknun). Una ihoaktok anigitaagani, ihoeliyotin itigitaagani kagiyaoayaknun, ilalo naonaeyakniginun akitonigin kagitaoyalikiyotini atokniginik agilgagiyakni.

Atoktitinik

Nutakan atoktitiyumaenaktun kaoyimayamiknik. Nanminik kinaonigiyamiknik, humi nunakakmagaa, hunanik nanminikakmagaa, kanoklo takuminaknikmiknik ihomagiyaoageakaktun angeagiyaolotik koyaginak takukhaogitaagani kagitaoyalikiyotini. Mikakni nutakani, tukikaktok kagitaoyalikiyukhaogaloen agayukaatiklo monaktigiyaktiklunen. Agayukhikni nutakani, kaoyimayaagani huna koyaginak takupka-ktitageakaginin hivonikhiyutikhan. Aknagutin Inuhuktulo, atoktitiyotin ikitulaaktun okaohigilagin namaknigin namaginigilo takupkaktitakhan inoen tohaktiveani kagitaoyami ila Facebook-mitun, pilakni ihoaktonik koyaginak atoktaogitaagani ihoakotin angeagiyaoyonik ihoakhaotini.

Kiklikhaen

Monagiyaagani nahogiyaen nutakavin, ilagin agayukaan monaktilo pivikhakaktivaktun kagiyaoyalikiyotini. Una ihoakhaeyun kitun hulilogaagutikhan atogeagani, aalalo atoktun kagitaoyamik. Nutakan kaoyiyageakaktun atoknigin Kagitaoyalikiyotin atoteageakaktok, ilaovlonilo Kagitaoyami kitunilikaa takuhaonakman. Agayukaan monaktilo ihoakhaeyukhaoyun akmaeyotikhaenik nutakami, atoktilogilunen akmaeyotigiyaktik iliknin. Una ayikotakagitok kiklikhak. Piyotaoyok ihomaloknaegutivakhonilo, kiheani monagiyotaokman nutakanik agayukaaniklo akmaeyun peoguktaonikan, aheokpan, akmaktaokpalunen takuyaoyageakagitok.

Ikayutaolaktun Kagitaoyalikiyitini

- **Cybertip*** (Kanatami Iglukpak Nutakan Monagiyaagani)
https://www.cybertip.ca/app/en/Internet_safety -mi
- **Get Cyber Safe** (Kavaman Kanatami)
<http://www.getcybersafe.gc.ca/index-eng.aspx> -mi
- **Media Smarts** (Kanataom Tutkuktigivea Kagitaoyaoni Tohaktitiyunilo Okaohenik)
<http://mediasmarts.ca/digital-media-literacy/digital-issues> -mi
- **Think U Know**
(United Kingdom-mi [Nutagak Piteaktaoginik Kagitaoyalikiyotini Monagiyotin (CEOP-mi)])
<https://www.thinkuknow.co.uk/> -mi

*Unikloklotin kagitaoyalikiyunnmik uvani